



# «O'ZBEKISTON TEMIR YO'LLARI»

AKSIYADORLIK JAMIYATI

BUYRUQ

2020 - yil «30» 10

TOSHKENT

№ 740-Н

## **"Ўзбекистон Республикаси Вазирлар Маҳкамасининг қарори ижросини таъминлаш тўғрисида"**

Ўзбекистон Республикаси Президентининг 2018 йил 13 октябрдаги "Иш ҳақи, пенсиялар, стипендиялар ва нафақалар миқдорини ошириш тўғрисида" ПФ-5553-сонли Фармони, шунингдек, Ўзбекистон Республикаси Вазирлар Маҳкамасининг 2018 йил 16 июлдаги "Ўз кучини йўқотаётган умуммажбурий идоравий ҳужжатларнинг ўрнига янги норматив-ҳуқуқий ва бошқа ҳужжатларни тайёрлаш бўйича чора-тадбирлар режасини тасдиқлаш тўғрисида" 538-сонли қарори, 2019 йил 6 сентябрдаги "Меҳнат бозорида меҳнат муносабатларини тартибга солишга доир қўшимча чора-тадбирлар тўғрисидаги" 743-сонли қарори ижросини таъминлаш, республиканинг айрим ҳудудларидаги табиий-иқлим шароитларининг хусусиятларини ҳисобга олган ҳолда, меҳнатга ҳақ тўлашни ҳудудий тартибга солиш масалаларида бозор тамойилларини кенг жорий этиш ва ёндашувларни унификациялаш асосида ишчи-ҳодимлар меҳнатига ҳақ тўлаш ва рағбатлантириш механизмини такомиллаштириш мақсадида, буюраман:

1. Ўзбекистон Республикаси Вазирлар Маҳкамасининг 2019 йил 6 сентябрдаги "Меҳнат бозоридаги меҳнат муносабатларини тартибга солиш бўйича қўшимча чора-тадбирлар тўғрисида" ги 743-сонли қарори (кейинги ўринларда қарор деб аталади) ишда қўллаш ва сўзсиз ижро учун қабул қилинсин. Қарор билан қуйидагилар:

а) Тасдиқланган:

Табиий-иқлим ва маиший шароитлари оғир ва ноқулай бўлган жойларда ишловчи ҳодимлар меҳнатига ҳақ тўлашга туман коэффицентларини, шунингдек, уларга ҳар йили бериладиган қўшимча таътилнинг энг кам муддатини белгилаш ва қўллаш тартиби тўғрисидаги Низом;

Ишларнинг айрим технологик турлари, ишлаб чиқаришлар ва иқтисодий фаолият турлари бўйича ишчиларнинг тариф ставкаларини

оширишнинг тармоқ коэффициентларини қўллаш тартиби ва уларнинг миқдорлари тўғрисидаги Низом;

Кўчма ва қатнаш тусидаги ишлар билан боғлиқ устамалар тўлаш тартиби тўғрисидаги Низом.

б) Белгиланган:

табiiй-иқлим ва маиший шароитлари ноқулай бўлган жойларда ишловчи ходимлар меҳнатига ҳақ тўлашга туман коэффициентларини қўллаш ва бундай жойлардаги ишлар учун қўшимча таътил кунларини тақдим этиш ташкилий-ҳуқуқий шаклларида қатъи назар барча ташкилотлар учун мажбурийдир;

нобюджет ташкилотлар, ўз ташкилий-ҳуқуқий шаклларида қатъи назар, ўзларининг жамоа шартнома (келишув)ларида ўз маблағлари доирасида ушбу қарор билан тасдиқланган тегишли Низомда кўрсатилмаган ноқулай табiiй-иқлим меҳнат шароитига эга алоҳида ҳудудларда ишлаганлик учун ишчи-ходимлар ойлик маошига қўшимча тўловлар ва қўшимча таътил кунларини тақдим этиш шарт-шароитларини, ушбу харажатларни солиқ солинадиган базага киритган ҳолда белгилаб олиши мумкин

2. Қуйидагилар тасдиқлансин:

мазкур буйруқга 1-иловага мувофиқ “Ўзбекистон темир йўллари” АЖ табiiй-иқлим ва маиший шароитлари оғир ва ноқулай бўлган жойларда ишловчи ходимлари меҳнатига ҳақ тўлашга туман коэффициентларини, шунингдек, уларга ҳар йили бериладиган қўшимча таътилнинг энг кам муддатини белгилаш ва қўллаш тартиби тўғрисидаги Низом;

мазкур буйруқга 2-иловага мувофиқ ишларнинг айрим технологик турлари, ишлаб чиқаришлар ва иқтисодий фаолият турлари бўйича ишчиларнинг тариф ставкаларини оширишнинг тармоқ коэффициентларини қўллаш тартиби ва уларнинг миқдорлари тўғрисидаги Низом;

мазкур буйруқга 3-иловага мувофиқ кўчма ва қатнаш тусидаги ишлар билан боғлиқ устамалар тўлаш тартиби тўғрисидаги Низом.

3. “Мазкур буйруқнинг 2 банди билан тасдиқланган устамалар ва оширувчи коэффициентлар 2020 йил 1 октябрдан амал қилиши белгилансин.

4. 2020 йил 1 октябргача:

“Ўзбекистон темир йўллари” АЖ бўйича тегишли ҳужжатлар билан аввал тасдиқланган табiiй-иқлим ва маиший шароитлари оғир ва ноқулай бўлган жойлардаги иш учун ҳамда ишнинг кўчма ва қатнаш туси билан боғлиқ устамалар амал қилганлиги;



ишнинг тармоқ хусусиятлари билан боғлиқ алоҳида касбларга нисбатан амалга ошириладиган рағбатлантирувчи тўловлар тармоқ коэффицентларини ошириш орқали лавозим маошларида ҳисобга олинганлиги маълумот учун қабул қилинсин.

5. "Ўзбекистон темир йўллари" АЖ корхона (бўлинма)лари раҳбарлари:

мазкур буйруқнинг 2 банди билан "Ўзбекистон темир йўллари" АЖ ишчи-ҳодимлари учун тасдиқланган устамалар ва оширувчи коэффицентлар ўрнатилган тартибда ҳисобланиши ва тўлаб берилишини таъминласин;

мазкур буйруқга мувофиқ штат жадвалларини қайта кўриб чиқсин ва тасдиқласин;

корхона ва Ўзбекистон темирйўлчилари ва транспорт қурувчилари Республика кенгаши ўртасидаги амалдаги жамоа шартнома (келишув)ларига мазкур буйруқдан келиб чиқадиган ўзгартириш ва қўшимчалар киритиш бўйича таклифлар киритсин;

бир ой муддатда табиий-иқлим ва маиший шароитлари оғир ва ноқулай бўлган жойларда ишловчи корхона ҳодимлари иш жойларини аттестациядан ўтказиш бўйича керакли ҳужжатларни қайта кўриб чиқсин ва мувофиқлаштирсин.

6. Иқтисодий таҳлил ва прогнозлаш бошқармаси бошлиғи Наримов Б.Ш:

зарурият бўлса, жамиятнинг алоқадор корхоналари штат жадвалларини кўриб чиқсин ва тасдиқлаш учун тақдим этсин;

жамият корхона (бўлинма)лари прогноз кўрсаткичларига ўзгартириш киритсин;

"Ўзбекистон темир йўллари" АЖ бошқаруви ва Ўзбекистон темирйўлчилари ва транспорт қурувчилари Республика кенгаши ўртасидаги Тармоқ келишувига мазкур буйруқдан келиб чиқадиган ўзгартириш ва қўшимчалар киритиш бўйича таклифлар киритсин;

ушбу буйруқнинг 2-банди билан тасдиқланган Низомларни қўллашни тушунтириш бўйича услубий кўмак берилишини таъминласин.

7. Мазкур буйруқ ижроси назоратини ўз зиммамда қолдираман.

Бошқарув раиси в.б.



Х.Н. Хасилов